

關
中
金
石
記

關中金石記卷第七

鎮洋畢沅撰

金

皇弟都統經略郎君行記

天會十二年仲冬立前爲女直書後正書譯之篆額在乾州
乾陵

此刻乾陵無字碑上文曰大金皇弟都統經略郎君嚮以疆
場無事獵于梁山之陽至唐乾陵殿廡頽然一無所睹爰命
有司鳩工修飭今復謁陵下繪像一新迴廊四起不勝欣然
與醴陽太守酣飲而歸攷天會九年金以陝西地賜齊則其
時地猶屬劉豫劉豫帝齊惟撻懶宋史作撻辣以左監軍鎮撫之
撻懶穆宗子也爲太宗之弟文稱皇弟而不著名合之史當
卽撻懶無疑

京兆重修學記

正隆二年十一月立李栗撰文潘師雄正書錢義方題額在
西安府學

學爲府尹完顏胡女修建文云舊學在府城之坤維地前宋
崇寧二年命郡縣建府帥樞密直學士虞策改築于此據之
則宋金時學非復唐國子監舊址也

重立秦寧宮記

正隆四年十月立喬逢辰撰文王仲成正書在渭南南門外
創修朝元洞碑

秦定二年下元日立井道泉撰文李擘正書楊演篆額在華
陰朝元洞

仙源圖

年月同上李元覽正書此載長春真人以下門徒法孫等姓氏刻前碑後

鄭彥文等題名

大定甲申六月刻正書在同州聖教序記之陰

靈泉觀牒

大定三年九月行書在同官

後有中奉大夫禮部尚書翰林學士承旨知制誥修國史王者王競也競字無競彰德人以二年從太傅張浩朝京師進禮部尚書

戒師誠公塔銘

大定五年八月立僧師倅撰文正書僧有晦篆額在興平

中叙述瑯家放光一節襲用巖挺之大智禪師塔銘文弟子

神奇其師每有此等異說不足重也

觀音院碑

大定丙戌九月立李□撰文李居仁正書王從簡題額在隴
州

惠濟院牒

大定七年十月立正書在郿縣槐北寺

碑題王競爲通奉大夫與前題異者金制通奉從三品中其
下爲中奉也文稱本院自來別無名額已納訖合著錢乙伯
五十貫乞立惠濟院名額案金世賣僧道尼女冠度牒紫褐
衣師號寺觀名額之例乃世宗大定五年所罷此額給于四
年蓋七年所刻石也

思政堂記

大定辛卯十二月立鄭彥文撰文并正書崔良弼篆額在乾州署內

文有云乾本漢池陽縣至唐改奉天後置爲州梁乾化中升威勝軍後唐同光年復今名以唐志合之改縣爲州乃乾寧二年也太平寰宇記云李茂貞建後軍王出鎮爲威勝軍文又云距京兆不越數舍寰宇記東至長安一百八十里

靈泉觀主凝真大師成道碑

大定丙申四月立王鎬撰文李輔正書篆額在臨潼溫泉

碑三乘上刻成道圖中刻記下刻本觀山林水磨田土地基重修太史公墓碣

大定己亥清明後二日立趙振撰文正書不著姓名在韓城水經注陶渠水又東南逕司馬子長墓北墓前有廟廟前有

碑永嘉四年漢陽太守殷濟贈印遺文大其功德遂建石室
立碑樹桓太史公自序曰遷生龍門是其墳墟所在矣攷陶
渠卽芝川水今墓在水南俗說云漢武帝于此得芝艸改名
也

馬烜題名

大定十八年八月刻正書在西安府學刻唐大智禪師碑之
陰

李成誥謁祠記

大定十九年刻正書在華嶽廟

許沂題名

大定庚子刻正書在慈恩寺

鑄九陽神鐘銘

大定二十一年四月造宋元豐中柴震撰文正書在臨潼溫泉

修城記

靳康侯撰文并正書在鄆縣

案碑不書紀元惟云皇帝卽位十有六年又云越二十二年
攷金惟世宗大定二十九年餘皆不及數則碑爲大定時立
文有彭城劉公以壽州酒使來鄆金制京都及眞定置都麴
使司他處置酒使司劉公益以監壽州酒務爲其縣令者而
不傳其名

棲雲老人題名

大定壬寅仲冬刻隸書在臨潼溫泉

建濟安侯廟碑

大定二十四年十月立張建撰文蔚□正書并篆額在華州
濟安侯華州城隍神也昭宗光化元年所封文云光化元年
以華州爲興德府封城隍神爲濟安侯今攷唐志攷興德府
在乾寧四年志誤也昭宗以乾寧五年八月改元光化始陞
州爲府不得在四年也

靈泉觀記

大定二十五年重陽日立楊峻撰文劉光正書劉利賓篆額
在同官

右碑兩截上截卽刻三年牒文下截刻此記文甚華贍字法
亦似褚虞金人碑刻之最佳者

仙蛻瑩碣

大定二十七年八月立范若水撰文孫育堂正書徐安上篆

額有陰亦正書在華陰雲臺觀

棲閑居士張中偉墓表

明昌改元立撰書人缺篆額在邯縣北大歷寺東南

中偉爲中孚中彥之弟其二兄史並有傳碑云父諱達贈太師靖康末以守吉州死授太原之難中孚以宋之鎮戎軍安撫使降金爲鎮洮軍節度使知渭州兼涇原路經略安撫使後封原國公中彥以宋之涇原副將知德順軍降金代李彥琦爲秦鳳經略使後封宗國公咸與碑說合金載割河南陝西昇宋中孚中彥入宋被留臨安中彥又爲宋之龍神衛四廂都指揮清遠軍承宣使提舉佑神觀靖海軍節度皇統初金復河南中孚中彥又北歸故文又有宗公解印恒山對君清話云云中孚中彥以宋忠臣之子仕於宋仕於金仕於齊

地還宋載仕於宋地還金載仕於金恬然無所恥惟而中偉
不事仕進清逸終身此宋之遺民遠之孝子矣碑題翰林侍
講學士奉政大夫知制誥兼同修國史護軍馮翊郡開國侯
撰文資政大夫參知政事柱國安定郡開國公書而泐其名
崇教禪院鐘款

明昌壬子二月之正書在咸寧薦福寺

崇教禪院之在武功于金爲武亭縣是鐘于康熙中出自河
畔時巡撫某公方修薦福寺因載歸焉鐘後有尚書禮部牒
文

觀京兆府學古碑詩

明昌五年二月刻劉仲游撰并艸書在西安府學

驪山有感詩

永安曆維協洽書雲後七口刻移刺霖撰孫極之正書在臨
澶溫泉

移刺卽耶律金史有移刺履元好問集作耶律履是其証商
挺增修華清宮記有太傅移刺公疑卽其人後有跋自署晉
陽舊部吏而無姓名

左口遠題名幢

永安庚申秋三日刻行書在華嶽廟

重修州學之碑

泰和改元正月立正書篆額撰書人姓名並缺在綏德州

碑後有綏德州義合寨主簿郇口知臨洮府康樂寨事劉完
金史地里志云綏德州有義合寨置第二將臨洮府有康樂
縣康樂當是先爲寨後升爲縣也又有知軍州事天水縣子

同知軍州事廣平郡侯兩銜文中稱秦君守正以通儒來守
高君□□以名進士爲軍州判官當卽兩人姓名

宋雄飛詩

秦和政元三月刻行書在郟縣觀村老君庵

孫錡題名

秦和政元冬十月刻正書在同州聖教序記之陰

此碑云緒河南聖教序在州龍興寺宋政和中吉觀因任通
判日移置公署蓋是碑初移于通判署至明正統間乃移于
金塔寺也

虞用康史公奕等題名

秦和五年春四日刻正書在慈恩寺

歸潛志云史公奕字宏父大名人工書自號歲寒堂主人

秦寧宮鑄鏡記

秦和六年上元日造正書無撰文人姓名在渭南

田曦謁祠記

秦和七年四月刻正書在華嶽廟

權綱等題名

秦和丁卯重九日刻正書在同州聖教序記之陰

遊艸堂寺諸詩

大安元年二月刻行艸書前爲雪嶷老人後爲東原田曦作

在鄆縣艸堂寺

趙門白氏題名

大安二年四月刻正書在興平 關忠義廟

法門寺真身寶塔詩

大安二年中元日刻僧師偉作朱景祐正書在扶風法門寺
大安二年鐘欵

大安二年口月造正書在郿縣東嶽廟

鐘不知所從來舊在縣治形家言不利于長官以數十牛昇
置于廟欵云重一萬八千斤題內有以明威將軍攝軍資兼
軍器庫使定遠大將軍攝縣簿尉者此以武階四五品攝八
九品官者也有以徵仕郎行縣令者此以文階八品攝七品
官者也金制中縣置簿尉下縣不置尉郿有簿尉是在金爲
中縣矣

孔朝散詩

貞祐二年七夕日刻行書在郿縣觀村老君庵

碑題積石太守孔朝散當是以朝散大夫出知河州者也碑

不著其名楊煥射虎記又有孔臨洮或亦卽其人

楊振碑

貞祐四年正月立元好問撰文張□正書王元禮篆額在乾
州

唐書宰相世系表載鄒國公侑子行基行基子棻棻子溫溫
子幼言自幼言以下不及之碑云幼言生頤頤生臯臯生免
免生珍珍生光贊光贊生懷順懷順官金紫仕至西臺御史
襲封至五代漢國始除此可以補唐史之缺又云西臺公有
子十二人長曰公候次公神公雷公賢公洪公素公石公祚
公良公通公演公伏號十二楊村公候子舜靖舜靖子信信
子禹禹子言言子宗宗子懋懋子超道公爲超道之次子攷
唐以奉天之地四百頃賜楊氏故子孫遂爲縣人好問作楊

奠碑文云譜系之詳見君自叙然則此卽本奠所叙述矣奠卽振子元禮華陰人見奠碑

長安令□公二等題名

貞祐五年春上丁刻行書在西安府學刻唐大智禪師碑之陰

乾陵無字碑題字

興定五年四月刻張秀華行書在乾州

甯曲重修食水記

興定五年冬下元日立高褒撰文張待舉正書康節篆額

甯曲食水碑陰記

年月全上正書上有圖並在郿縣

甯曲水卽金渠之上流其源自赤谷來者自甯曲以上爲居

民食水以丁則灌田爲金渠蓋因其地多砂不能鑿井故引山水以資用迄今猶然碑稱爲齊相甯戚所開無所依據不足信也

印公開堂疏

元光二年二月立行書在那縣艸堂寺

文後云內族昭武大將軍宣權統軍使兼知府事完顏者完顏阿打也

射虎記

元光二年十月立楊煥撰文謝良□正書張待舉篆額在那縣東門外

乾陵無字碑題字

正大改元夏刻鄭□邠正書在乾州

唐太宗贊姚秦三藏羅什法師詩

正大乙酉仲冬刻釋義金正書在鄆縣艸堂寺

改建題名之碑

正大乙酉十二月立孔叔利撰文吳聽正書盧元篆額

府學教養之碑

正大二年十二月立劉涓撰文楊煥正書張邦彥篆額在西

安府學

遊艸堂寺詩

正大三年立秋日刻趙閑閑作并行書後有方亨跋在鄆縣

艸堂寺

風流子詞

正大三年刻僕散汝弼作正書在臨潼湯池

僕散希魯跋云宋元至今刻石甚多殆難勝紀而當以此爲
第一其詞幽麗悽惋字畫勁峭有如拱壁因砌而珍之

唐太宗慈德寺詩刻

正大丁亥刻李文本跋並正書在武功

仙游觀永陽園詩并序

甲子正月立問世一正書并篆額在麟遊

雲房二大字

移刺松齡艸書在臨潼縣城東門內

松齡霖之子自紀云雲房鍾離子別號此蓋擬鐘離書法

爲之者

饒益寺藏春塢記

阜昌癸丑九月立趙抃撰文正書在朝邑

并自署爲新市監金史地理志朝邑縣有新市鎮是也寺在鎮之西梁天監中建唐貞觀二年起浮圖以明嘉靖地震地文稱自唐宋以來名人賢士經由往返莫不於此題名主僧勒之于石案今題名惟宋政和中賈炎謝卿材二石尚存唐人名跡皆無之矣自此以下五種並劉豫時刻故附置金後

勅祭渾忠武王文并尚書禮部牒
阜昌六年八月立正書

勅祭渾忠武王記

阜昌七年正月立王蔚撰文王寵正書孟醇篆額並在宜川碑爲僞知丹州軍事安撫使劉議立議以渾忠武王諡犯徽祖廟諱抗章請避徽祖者豫之祖也李心傳繫年要錄稱紹興二年四月庚寅豫遷都汴奉祖考于宋太廟尊其祖忠曰

毅文皇帝廟號徽祖宋史以爲四月丙寅非庚寅者誤也是月壬戌朔庚寅月之廿九日也史又云豫名迪功郎王寵不至此記爲寵所書不至之說恐未必是孟醇趙宗室王蔚字叔文史有傳

禹蹟圖

阜昌七年四月立正書

圖劉豫時刻攷豫以宋紹興元年爲金所立則是年當丁巳亦金天會之十五年也每折地方百里所載山川多與古合唐宋以來地圖之存惟此而已攷宋毛晃禹貢指南稱先儒所刻禹蹟圖黑水在雍州西北而西南流至雲南之西南乃有黑水口東南流入南海中間地里濶遠今此圖黑水與毛說合是爲宋以前相傳之舊也唐書稱賈耽繪海內華夷

圖廣三丈縱三丈三尺以寸爲百里中國本之禹貢外夷本
班固漢書古郡國題以墨今州郡題以朱豈此圖之權輿與
圖象之學自古重之山海經前五篇乃益經也其後十二篇
爲周秦以來釋圖之言故往往雜以後代郡縣今案其文有
云在其東或在其北云捕魚水中云兩手各操一蛇云右手
指青邱北之屬皆據形言之耳山海經本有圖故陶潛以之
入詩張駿郭璞以之作讚始知班固藝文志入之形家有以
也不知者乃以爲域外之言堪輿之學非聖經矣又史記言
蕭何收秦圖書大宛傳言昆侖天子案古圖書三王世家有
御史奏輿地圖漢書言李陵圖所過山川地形元帝示後宮
人單于圖明帝賜王景禹貢圖又班固案秦地圖虞喜志林
薛瓊注漢書皆案漢輿地圖晉書言裴秀自製禹貢地域圖

十八篇李吉甫元和郡縣圖志言起京兆府盡隴右凡四十
七鎮每鎮皆圖在篇首今俱不存則此圖之傳良足寶矣地
理之學古今互異試條其得失附以鄙証爲讀禹貢者有所
採也

案圖嶓冢山在秦州東南深合自漢以來相傳之說攷水經
禹貢山水澤地所在言嶓冢在隴西氏道班固地理志言在
隴西西縣漢氏道及西縣治皆在今秦州自魏收地形志以
嶓冢山爲在華陽郡嶓冢縣括地志元和郡縣志並承其誤
山乃移今之寧羌州矣然唐人猶兩存其說據魏收以駁班
固自胡渭禹貢錐指始

案圖西漢水出秦州南至涪州入江東漢水出興元府東至
漢陽入江亦合于班固地理志之說其圖西漢水不通于東

漢則不合于古何則余嘗謂禹貢言嶠冢導漾是言水之在今甘肅秦州者也東流爲漢是言水之在今陝西漢中府者也又東爲滄浪之水則言水之在今湖北省者也西漢至寧羌州西北有水通于東漢班固所云東漢水首受氐道水郭璞爾雅音義謂之潛水水經注謂之通谷水括地志謂之復水云出利州緣谷縣龍門山今俗以爲燕子河也其水于圖當自興元府南承東漢水流至利州北合于西漢而殊未之及今四川廣元縣是唐宋利州治寧羌州是其東北境龍門山在州北百五十里卽李吉甫所云利州東北有龍門山者也樂史又云龍門山下有燕子谷或水之所以名矣郭璞旣稱舊云卽禹貢沱潛缺之非也

案圖黑水是三危之黑水黑水實有二余攷華陽黑水惟梁

州孔安國言東據華山之南西距黑水張守節史記正義案括地志黑水源出梁州城固縣西北太山以此釋梁州黑水較長鄜道元案諸葛亮牋稱朝發南鄭暮宿黑水卽此諸家解書以二黑水爲一非也今水在漢中府城固縣西北五里案圖漆沮之洛至同州南入于河古說皆入渭是洛自宋金時改流入河也近韓邦靖著朝邑縣志云洛水明成化改流入河不察之至矣

案圖無漆沮蓋洛卽漆沮孔安國書傳水經

凡史記注晉灼所引今本無之

閼駟皆言是也李季卿三墳記石刻亦云漆沮泛濫馮翊昏墊是唐人猶存其說矣漢人言漆縣西有漆水入渭在今麟遊縣合雍入渭者爲詩自土沮漆之漆是古但有兩漆水耳水經注洛水下又有漆水又通甲開山圖長安西有漆渠俱

非禹貢之漆然自樂史宋敏求以來所在多漆水矣

華夷圖

阜昌七年十一月立正書並在西安府學

關中金石記卷第七終

關中金石記卷第八

鎮洋畢沅撰

元

皇太子修艸堂寺令旨

癸卯年五月乙未年十一月丁未年四月又十月立並正書
篆額在郿縣

右碑分四格上二格爲皇太子令旨教修艸堂寺者第三格
則爲修寺不蘭奚并匠人等覲當衣食第四格則恐缺少修
寺不蘭奚人等補數皆令旨也皇太子名濶端太宗之第二
子是時未立號年所稱癸卯蓋當宋理宗之淳祐三年丁未
則七年也其第二格稱乙未當爲乙巳之誤是淳祐五年就
令旨上下來歷觀之自見不然則乙未爲端平二年前淳祐
癸卯更八年與修寺事何涉此則刊字時之誤也

孫真人祝文

丙午歲二月立皇太子淵端撰正書在五臺山

劉處士墓碣

己酉孟夏立楊英撰文張徽隸書李徵題額在西安府學

處士字希文名章又名九隴又名渭又名於菟字則不易也
金以天興三年甲午之歲亡而元自世祖始以中統紀號是
年歲在己酉當是定宗未卽位之前馬真太后臨朝稱制之
日也

重陽宮聖旨碑

虎兒年七月立上蒙古字下正書釋之在盤匡

孫真人福壽論

丙辰九月立楊聰正書

題孫韓二真人詩

丙辰歲重九日刻楊聰作并行書

唐太宗賜孫真人頌

丙辰重九日立後有邗邗川跋並楊聰正書

與李素舟張志和書

無號年楊聰行書並在五臺山

唐通微道訣碑

唐乾元二年六月明皇製文元戊午歲人日本觀道士楊思

聰重立行書在三原大化觀

戊午憲宗八年

長春真人述

大朝癸未重九日刻正書在咸寧牛頭寺

輟耕錄邱處機號長春子登州棲霞人金大定丁亥謁重陽
眞君于寧海請爲弟子戊申召見闕下隨還終南山金主召
不起宋使來召亦不起太祖遣近侍劉仲祿持手詔致聘至
行在所命掌天下道教至燕居太極宮仲祿元史處機傳作
仲福祖庭眞仙傳亦作仲祿

陀羅尼經幢

釋海覺唐梵二體書在咸寧開元寺

幢內梵書與同文韻統所載番相阿努所製西番字母相同
爲元代所建無疑

建文宣王廟記

中統二年五月立王處厚撰文馮慶正書并篆額在高陵縣
學

楊貞碑

中統五年建巳月立元好問撰文姚燧正書并篆額在乾川碑文往往與史合惟作萬言策未及上歸教授鄉里後安撫使辟經歷官京兆行尚書省以便宜署君隴州經歷皆辭不赴應參乾恒二州軍事庚寅春試授館張公信甫之門等事史不及之耳又史言著還山集六十卷天興近鑑三卷碑云還山集一百二十卷紀正大以來朝政號近鑑三十卷亦異燧與之弟三女壻

修宜聖廟記

至元三年四月立張鼎撰文正書在高陵

鼎自稱卜人爲不知者加點水于旁作汴志書因之不可不知其誤文有云舍宇無丹楹刻栴之美無山節藻稅之麗此

本鄭康成禮記注不用朱子藏龜之室之解者也字亦精整
可愛

馮時賁詩

至元戊寅春三月刻正書在郿縣觀村老君庵

瞻學田記

至元六年正月立賈仁撰文雷孜正書在西安府學

勅賜開福寺額記

至元六年十月立沙門志清撰文正書無姓名在同官

誠明真人道行碑

至元九年九月立王盤撰文賈庭臣正書在蓋屋樓觀

重修唐清涼國師妙覺塔記

至元九年九月立沙門印撰文或正書

國師印澄觀字大休俗姓夏侯氏會稽人初居本州寶林寺
後居五臺閣錫于華嚴寺十年死賜諡清涼國師塔曰妙覺
本朝雍正十二年十月十五日奉

旨清涼觀著封妙正眞乘禪師仍著該地方官致祭一次清涼
山志載師示寂後有梵僧至闕表稱于慈嶺見二使者凌空
而過以呪止而問之答曰北印度文殊堂神也東取華嚴普
薩大牙歸國供養有旨啟塔果失一牙唯三十九存焉遂闡
維舍利光明瑩徹舌如紅蓮色仍賜諡清涼國師攷師以唐
開成三年三月死先未死時文宗已號爲僧統清涼國師矣
故志云仍賜諡師以天寶二年出家大歷三年代宗令同大
辯正三藏譯華嚴經爲潤文大德後辭入五臺著經疏貞元
十二年特召入京與剎賓般若三藏譯烏茶國所進華嚴後

分梵夾成賜號教授和尚後加僧統國師爲華嚴六祖

題唐清涼國師塔額

至元九年重陽日立正書並在咸寧華嚴寺

天真觀鐵方響

至元十一年四月造正書在鄆縣署

欵云鄆州天慶宮下院天真觀者攷宋史大中祥符七年鳳翔府天慶觀甘露降宮名仿于宋時也方響世亦謂之雲版雲仙雜記以爲磬之遺制但磬以石雲版以金爲之耳

建極宮蒙古字聖旨

至元十二年二月立上蒙古字下正書在韓城龍門

王鶚建極宮記曰禹門舊有神祠因兵而毀今道者姜善信河東趙城人師蓮峰靳貞屬陝右兵亂士大夫避地者皆依

之一日語及禹門神祀因兵而毀公卽有濟復之志卽抵其所因其舊制而蓋之上卽信徵聘陞辭勅賜宮曰建極殿曰明德閣曰臨思命大司農姚樞大書其額以示歸榮據之則建極宮亦禹廟也世祖本紀至元元年七月龍門禹廟成在今縣東北之六十里

重陽仙跡記

至元丙子中秋日立劉祖謙撰文姚燧正書并題額在蓋屋重陽宮

祖謙之文以金哀宗天興元年作至是始刻于石耳唐順之左編重陽姓王名嘉咸陽人

重修宣聖廟記

至元十三年九月立徐瑛撰文正書篆額無姓名

府學公據

至元十三年十二月立正書隸額

皇子安西王盛德之碑

至元十四年正月立孟文昌撰文駱天驤正書篆額並在西
安府學

寶慶寺記

至元十五年八月立商挺撰文并正書在平涼府空同山
碑云至元九年十一月分封皇子安西王案元史世祖本紀
至元九年十月丙戌封皇子忙哥剌爲安西王與此微異商
挺傳至元九年忙阿剌爲安西王以挺爲首相

玉清萬壽宮碑

至元十五年上半年立姚燧撰文王元輔正書篆額在汧陽

天真觀四至題字

至元十六年正月立正書在郡縣

題云京兆郡縣東關天慶宮下院天真觀以前十一年方饗
攷之卽郴州也前云州此云縣是改州爲縣當在十一年之
後十六年之前矣史云至元元年省郴州爲郡縣恐非又史
稱十六年改京兆爲安西路總管府此猶稱京兆則在未改
之前可知

棲雲王真人開澇水記

至元十六年中元日立薛友諒撰文孫德或正書在盤屋樓
觀

何太古題名

至元十七年仲夏刻飛白書在慈恩寺

崇靈廟記

至元十七年十月立王博文撰文僕散祖英正書略天驤象額在渭南尹村

崇靈廟者土人祠周孝侯處設也碑只載處與氏人齊萬年戰歿事謂秦人思而祠之措詞得正明人因之乃謂孝侯卽渭南人且指到獸山爲孝侯殺白額虎地附會縣東之赤水橋爲卽長橋穿鑿可笑碑云崇靈金大定間賜額

蔡孝子順碑陰記

至元十七年十月立鄒任志撰文正書在渭南鄉賢祠

吳山寺地土執照

至元二十年四月僧永輝立正書在乾州

馬宗師道行碑

至元癸未歲重五日立王利用撰文孫德成正書李頴篆額
在蓋屋重陽宮

靈應宮鐘款

至元二十一年二月造正書在朝邑

陳亞天慶宮詩

至元甲申春二月刻正書在邠縣觀村

重修說經臺碑

至元二十一年立李道謙撰文李志宗正書在蓋屋樓觀

道謙字和甫汴梁人初事洞真真人至元十四年安西王開
府陝西著提點五路道教兼領重陽萬壽宮事元貞元年賜
號天樂真人

李道謙詩

至元乙酉春三月刻正書

沁園春詞

至元乙酉夏刻李如堅撰正書

丹德明詩

至元乙酉孟冬刻正書並在郿縣觀村

王重陽仙跡記

至元己丑七月立劉祖謙撰文劉汾正書并題額在咸陽

李真人門下記

至元二十七年三月立正書在郿縣觀村

古文道德經

至元辛卯立高翽書古文未有記篆文李道謙跋隸書在蓋

屋說經臺

經爲翻所書云出古文韻海宋史藝文志無此書字體奇詭
失實非古人之遺也唐太史令傅奕校定道德經古本字字
有據如號而不愛見玉篇今本譌作𠵽如春登臺見易州所
刻唐明皇注本今作如登春臺儼乎其若客與下句釋字爲
韻而王弼本作若容此類甚多唯傅本不誤惜翻不依此作
篆而僅依俗本專輒造字未免爲識者所笑耳翻以憲宗乙
卯歲書至元時刻石

薛文曜重修宣聖廟記

至元三十年三月立劉忠撰文齊天祥正書并題額在澄城
陳大中墓塔銘

至元三十年仲夏立郭汝弼撰文并正書在韓城

大中字子正韓城縣人初仕韓城尹至元二年改楨州判官

四年移乾州七年爲澄城尹加敦武校尉復調韓城二十九年卒葬縣之東南陳莊

重修文廟記

元貞建元十月立韓擇撰文并正書在臨潼

擇字從善元史傳附蕭燾後

鍾都尉墓碑

大德四年立正書在同官神水鄉

碑僅存上截無撰書人姓名

甘澗之記

大德九年重九日立顏守淪正書并篆額在華嶽廟

西鎮祀香碑

大德十一年七月立梁□□撰文正書姓名泐蒲明德篆額

在隴州

文有云皇帝以大德十一年五月二十二日誕膺寶位合之元史則武帝以是月二十一日卽位于上都也小異

加聖號詔

大德十一年七月立正書一在西安府學一在韓城縣學

元史武宗紀大德十一年武宗卽位七月加封至聖文宣王爲大成至聖文宣王

張洵重修縣學講堂記

皇慶元年年季秋立岳松撰文劉堯澤正書篆額在澄城

加封至聖文宣王碑

皇慶二年正月立趙世延撰文并正書

世延以至大四年爲陝西行臺侍御史是年陞浙江行省參

知政事尋名拜侍御史

加聖號詔跋

皇慶二年五月立趙世延撰文正書篆額並在西安府學
華嚴世界海圖

皇慶癸丑七月立釋圓覺正書在咸寧開元寺

修太白廟記

延祐元年四月立李昶撰文禮愷正書郤從禮篆額在郿
縣

世祖時有東平須城李昶與此是兩人

修太白廟助緣功德主名

年月全上正書刻前碑陰

題名中里社內有栢林社者卽廢栢林縣也元志舊於郿州

添置柿林縣至元元年省一統志柿林廢縣在郿縣東四十里

藏御服碑

延祐二年三月立趙世延撰文趙孟頫正書李□□篆額在盤屋重陽宮

玉泉觀記

延祐乙卯四月立潘汝劼撰文并正書題額在澄城玉泉觀爲和陽子棲真之所其徒純靜大師王永謙所造也汝劼時爲陝西諸道行臺御史

文宣院碑

延祐三年藉月立長老垠撰文蒲忠孝正書蒲明德篆額在

隴州

郝巨卿墓碣

延祐四年十月立岳崧撰文曾孫惟賢正書段□□篆額在韓城柳村

文云天興壬辰大中書丞相耶律公爲董軍國事適汴張晏以待四方之士者卽耶律楚材也天興壬辰當元太宗之三年是年八月太宗幸雲中始立中書省改侍從官名以楚材爲中書令是歲元兵克鳳翔還攻洛陽河中諸城盡下之此其事也岳崧字景山邵陽人延祐中三聘不起解禽烏語常讀書于臥龍岡與蕭顛友善

祀西嶽文

延祐四年臘月立正書篆額無姓名在華嶽廟

祀西鎮碑

延祐四年十二月立莫勝撰文賈幹魯思台正書并題額在隴州

文云延祐丁酉秋秦山摧裂小民震駭者成宗本紀是年七月成紀縣山崩土石潰徙壞田稼廬舍壓死居民十月遣御史大夫伯忽參知政事王桂祭陝西嶽鎮名山賑卹秦州被災之民卽其事也又稱伯忽爲開府儀同三司太傅御史大夫王桂爲中奉大夫中書省參知政事與史略同

贈安定郡伯蒙天祐新阡表

延祐五年九月立蕭鐸撰文并隸書篆額姓名缺在大荔碑題云知船橋兵馬都總管萬戶府與魯千戶贈朝列大夫同知晉寧路總管府事騎都尉安定郡伯蒙君諱天祐字祐之蓋蒙君官至總管府萬戶以子懷口貴得贈官如之也子

封安定郡伯職亦不卑而史傳莫可攷特以惟斗文傳之耳
碑甚磨泐不可讀

唐開元寺興致

延祐六年正月立正書篆額在咸寧開元寺

碑序開元二十八年明皇與勝光法師論佛功德令天下州
府各置開元寺故上方繪明皇及法師像攷鄆縣重雲寺有
吳思溫唐太宗與元奘對譚畫壁卽此等事也碑具載上石
勒字人名不及書及篆額者當時人之艸率可見

光國寺聖旨勅

延祐六年八月立上蒙古字下正書釋之在邠陽

勅稱馬兒年四月應是延祐五年

橫渠祠堂記

延祐七年正月立文禮愷撰文楊粹正書并隸額在柳縣

文有云先生之書有覆說之議又云天相斯文無往不復是當時尤有未信其學者攷西銘初成楊時致書伊川曰西銘言體不及用恐其流至于兼愛伊川答云橫渠立言誠有過者乃在正蒙西銘爲書推理以存義與孟子性善養氣之論同功豈墨氏之比朱子跋太極西銘二書曰始余作太極西銘二解未常敢出以示人近見儒者多議兩書之失或未通其文義而妄肆詆訶余竊悼焉由是言之宋時之議橫渠者不少得程朱表章久而論定程朱之爲功于橫渠大矣

加封師真人勅

延祐七年重陽日立陳德定正書并篆額在五臺山

右共四勅並以至大三年二月下弟一勅加贈東華帝君爲

東華紫府輔元立極大帝君第二勅加贈鍾離真君爲正陽
開悟傳道垂教帝君呂真君爲純陽演正警化孚佑帝君劉
真君爲海蟾明悟宏道純佑帝君王真君爲重陽全真開化
輔極帝君第三勅加贈邱處機爲長春全德神化明應真君
第四勅加贈馬鈺爲丹陽抱一無爲普化真君譚處端爲長
真凝神元靜蘊德真君劉處元爲長生輔化宗元明德真君
王處一爲玉陽體元廣慈普度真君郝大通爲廣寧通元妙
極太古真君孫不二爲清淨淵真元虛順化元君勅並付元
門演道大宗師掌教凝和持正明素真人苗道一收執案元
史邱處機傳處機與馬鈺譚處端劉處元王處一郝大通孫
不二同師重陽王真人金宋之季俱遣使名不赴歲己卯太
祖自乃巒命近臣札八兒劉仲福持詔求之處機與弟子十

八人圖被見此加贈處機勅內有云逮芝綸之登降躡雲鳥
以來從率英賢凡十八人言宗社非一二事者與之合馬鉅
寧海人本名從義字宜甫譚處端本名玉並重陽改名金真
學者稱鍾呂劉爲三祖又以重陽爲祖師然重陽之教皆長
春張大之者也劉字元英名哲自號海蟾子五代時人處機
弟子十八人今可攷者共四人勅贈清和妙道廣化真人尹
志平勅贈真常上德宣教真人李志常勅贈元通宏教披雲
真人宋德芳賜號元門宏教白雲真人綦志遠並見祖庭仙
真內傳

重修香城院記

至治二年五月立李木魯冲撰文正書在咸寧香城寺

泰寧宮包砌坤柔殿基記

至治三年八月立同鸚鵡撰文并正書篆額在渭南

祀西鎮吳嶽廟祝文

一秦定四年五月一秦定五年四月立並馮道安正書在隴州廟內

碑後題云馮道安立石而碑實鎔鐵爲之余集陝西諸金石得銘款十有一件鐵碑則一而已又爲陰識字體精整尤可愛也

王氏世德序

秦定四年七月立歐陽元功撰文夔夔正書并篆額在朝邑此碑明時所刻夔夔卽康里子山也

默庵記

秦定四年立趙良弼撰文并集唐顏真卿正書在咸寧楊萬

坡

元有兩趙良弼皆非此人韓國文正公字輔之卒於世祖至元二十三年又有一人字君卿東平人爲嘉興路史遷杭州亦能書出鍾嗣成錄鬼簿

西臺御史謙齊朶兀忽都魯別題名記

至順二年九月立正書在興平縣治前

孫德或道行碑

元統三年九月立鄧文原撰文趙孟頫正書在蓋屋重陽宮文原字善之一字匪石綿州人以天歷元年卒當是子昂追書其文也

祀妙應真人記

至元二年上元日立周德洽撰文後刻完者台皇后祭文並

正書在五臺山

完者台皇后卽順帝第二皇后奇氏

夔夔與王由義書

至正元年四月刻艸書在朝邑

御香記

至正二年上元日立高鞏撰文李拱正書王道清篆額在五臺山

孔子廟制詞

至正三年九月立正書篆額在邵縣

內加封啟聖王制爲至順二年九月加封大成至聖文宣王制爲大德十一年七月加封大成至聖文宣王夫人制爲至順二年六月并刻於至正三年也以元官爲并官與漢韓勅

碑宋大中祥符封鄆國夫人詔宋鄧名世姓氏書辯証王伯厚姓氏急就章諸書合

瞻學地畝及題名

年月全上正書刻前碑陰

重修宣聖廟記

至正四年四月立任惟孝撰文白好義正書篆額在宜川

馬嵬詩

至正六年六月立張洵正書在興平貴妃墓上

奉元路重修廟學記

至正六年十月立虞集撰文王守誠正書蘇天爵篆額在西

安府學

守誠字君寔著經世大典成拜陝西行臺監察御史字法近

虞世南合以虞文蘇額可稱三絕

奉元二瑞之記

至正九年七月立何恭撰文傅夢臣正書并篆額在西安府碑上層爲二瑞圖下刻記二瑞者嘉禾岐麥也圖刻甚工惜文與字俱不佳恐不足以傳遠耳

艸堂寺詩

至正壬辰四月刻釋溥光作并行書在鄆縣

雪庵詩石凡二又一石爲艸堂值雪詩行書前書衛尉副使奧屯公留題名不可辯書史會要溥光字元暉號雪庵俗姓李氏特封昭文館大學士賜號元悟大師

重修后土廟記

至正十一年七月立余闕撰文李成正書泰不花篆額有陰

在渭南南門外

雷祥廟碑

至正十二年十一月立潘懋撰文并正書篆額在白水

祥善醫能陶所造磁器甚工時人謂之雷公器歿爲彭衙土神常顯靈異蝗不爲害寇盜不至境內里人祠之文稱天朝加封致祀銘又有擬周班魯明王之封等語而不明著其號又不載祥爲何代人是所缺略

重立秦寧宮記

至正十三年八月立王璞撰文并正書篆額在渭南南門外碑上方刻宋大中祥符牒右刻金正隆四年記此刻於左其陰刻當時縣尹丞尉簿史姓名是碑蓋磨去唐渭南縣令李君清德頌而重刻者內陰陰有文云渭南令李君云聖歷二

年攷趙明誠金石錄作元年疑誤

王德成題名

至正十三年九月刻行書在慈恩寺

修忠惠王廟碑并陰

至正甲午仲夏立黃理仙撰文正書篆額姓名缺碑陰亦正書篆額在興安州牛山

忠惠王者唐刺史崔堯封也或曰堯封名偉中和三年黃巢亂有太白山人獻計于偉曰一發牛山巢滅掘之得黃嬰獸置劍其上斬之巢敗偉由是得道至宋封爲忠惠王至正十一年總兵官月魯帖木兒擊破紅巾賊劉福通重新此廟理仙時爲興安學正命爲文以紀之碑甚豐偉

修禹廟碑

至正十四年仲夏立李克敏撰文裴時靜行書百嘉納篆額
在韓城

郭鈞遺愛碑

至正十五年正月立常視遠撰文李琇正書養安處篆額在
郿縣

門王氏先塋碑

至正十五年戊子月立歐陽元撰文危素正書趙期頤篆額
在蒲城

書史會要期頤字子奇汴梁人官至陝西行臺治書工于篆
六碑齊筆記期頤篆迹渾樸高古以禹碑周鼓爲宗無一筆
似陽冰

邊公道行碑

至正二十二年四月立釋□洪撰文朶羅台正書在咸寧關元寺

朶羅台唐元氏積官昭信校尉芍陂屯田千戶所建魯花赤元史有傳

官家石洞碑

至正二十二年十一月立正書在三水東北洞內

文有云居士蕭元義任御史見居斯窟顯清縣尹唯恭娘子張氏達魯花赤秀堅帖木兒夫人周氏趙氏亦居此處時至正十九年六月初六日後二十二年壬寅十一月黃鐘吉日立石

東嶽廟碑

至正二十三年九月立孔克任撰文并正書篆額在長武

文並正書唯前題孔克任名及後號年二行篆書

周公廟潤德泉記

至正二十五年三月立孔克任撰文并正書篆額在岐山

碑李思齊所建文及書體並雅令但以崔瑛碑誤指爲朱則甚可笑其叙思齊官爲銀青光祿大夫邠國公陝西等處行中書省平章政事兼知四川等處行樞密院事皇太子詹事攷元史本紀則是年正月封思齊爲許國公至五月始加銀青光祿大夫邠國公及樞密詹事等官也碑立于三月已有是稱疑史誤

渾忠武王感應碑

至正二十五年三月立魏志遠撰文王克明正書崔安平篆額在宜川

文有云至正二十二年冬十月總兵官太保中書右丞相孛羅帖木耳特奉聖旨爲守禦延安分命中奉大夫河南江北等處行中書省參知政事朱希哲守禦宜川攷元史叛臣傳是年八月孛羅帖木耳據延安欲東渡以奪寧晉十月乃南侵擴廓帖木耳所守之地是時孛羅跋扈與擴廓李思齊等相持彼此跋襲故文又有亂兵侵我疆場殺我良民云云再三公表孛羅以至正二十年爲太保此著其稱于二十二年下者當是追書文體卑靡不足道篆額亦甚戾

重修宣聖廟記並陰

至正二十六年三月立董立撰文張冲隸書在西安府學

雍大記董立字植夫以明經中經元隱居教授徵拜翰林修撰輔導儲副遷司業以績著累擢陝西行臺侍御史卒謚文

定

移落星石題字

至正二十八年刻米克明記正書在興平縣治

右刻在唐太和中陳元錫題名之後石卽晉昇平元年所隕者也詳見元錫記及晉書本在縣東北田間克明昇之縣署因有此題

也先帖木兒殘碑

號年缺正書在華嶽廟

也先帖木兒脫脫之弟曾爲御史大夫陝西行臺監察御史此碑當卽其時所立

道德經

正書無號年及書人姓名在盤屋說經臺

石罍鐫華云此碑似出杜道堅李志宗輩而不著姓氏

祭孝子順墓碑

田遠撰文正書在渭南縣東十里孝子村

天冠山詩

無號年趙子昂作并行書在西安府學

此是明刻未有文符詔徵明跋

關中金石記卷第八終

關中金石記書後三首

彝鼎之顯由二漢則許汝長言之矣志碑之著由二魏則鄭中尉詳之矣皆以金石刻覈攷古事古言川資洽聞然或代易物湮始存終軼往往不可得徵老沙勒之猶不能久寧論易殄耶唐史載乾元中京師壞鐘像私鑄小錢會昌中李郁彥以鐘鐸納巡院充鼓鑄用宋史載姜遵知永興軍太后詔營浮圖遵毀漢唐碑碣以代磚甃摧敗之事豈特前世後或甚之矣巡撫公監茲放失欲永其傳講政之暇日採集焉又用真知條證肆攷傳合別否務得故實取其片羽可用爲儀蓋對然于洪薛歐趙之上矣令坊校字得審觀焉點次卷目謹識其尾時乾隆重光赤僧若歲相月後學錢培授

魏鄭道元撰水經注四十卷凡引漢碑百魏碑二十晉及宋魏

稱是竊嘗謂金石之學惟道元能見其大今讀其注如華陰載
祠堂碑鉅鹿載神壇碑則祀典可定也滎陽石門之銘沛郡石
坡之頌則水利可興也洛陽南界冀州北界之石則區域可正
也曲江瀧中碑新城大石山碑則幽遠可通也魏收倣之故撰
魏書地形志于郡縣下每引漢魏以來石刻巡撫畢公再蒞陝
西前又兩擢蘭州之節凡自潼關以西玉門以東其道路險易
川渠通塞及郡縣之興廢祠廟之存否莫不盡然若萃諸掌今
記中所散見是也夫歐趙洪薛之撰集金石僅藉以考古而公
則因以興灌溉之利通山谷之遠修明疆界釐正祀典既非若
道元之注託之空言又非若歐陽諸書僅資博識則所得實多
焉公既嘗以案部至咸陽讀周文公廟諸石刻爲守墓之裔請
於

朝增置五經博士。近又欲考定臨晉河伯之祠，邵陽子夏之墓，皆公經世之務之獲於稽古者也。讀是記者，可以觀其槩焉。後學洪亮吉跋尾。

雍涼之域，實曰神臯。吉金樂石之所萃也。爾乃竹書紀異，昆侖樹王母之眉，韓非著書華嶽，勒天神之字，休與貌哉，其詳軼矣。若其列侯尸祀，銘業乎奇器，漢將揚武，紀威乎絕域，西京崇秩，望之儀，蜀魏盛開鑿之蹟，固亦有焉。是以岐陽石鼓，厥貢於上，京裴岑紀功，揚光于昭代，暨乎唐葉作都，渭陽宮室，陵寢此焉。是集移山壽績，壓岫標奇，巖巖負文而疑神，螭虬挾篆而歎走亦。越宋元彌工，題唱鐫名，百仞之峯，沈字九回之淵，莫不比重。昆瓊方珍，華玉自是，厥後廢興，忽然頽坻，晝落則偉，頽潛埋野，燎霄飛則貞，跌渙碎承平以來，廢居愈阜，削員珉而代甃，臥方

闕以治絲或乃因文昌之小辭劇皇象之逸製耆古之士蓋其
閔矣隱顯之候豈其恒歟今陝西巡撫畢公江左之望蔚矣儒
風漢庭之才褒然舉首逮乎爲政其學益敦開府乎咸林攝節
乎涼肅外傳有云夕而序業周公之美讀書百篇公其體之斯
爲大矣時則鄭白之沃互有泛塞公斷渠所及則有隨便子谷
造象得于長安唐爾朱達墓碣得于郟陽朱孝誠碑得于三原
臨洮之垣亘以河朔公案部所次則有唐姜行本勒石得于塞
外梁折刺史嗣祚碑得于府谷寶室寺鐘銘得于鄜州漢鄗君
開道石刻魏李苞題名得于襄城公又奏修嶽祀而華陰廟題
名及唐華山銘始出焉公擇奠學校而開成石經及儒學碑林
復立焉自餘創見多後哲之未窺前賢之未錄公受之以藏是
云敦素獲之有道乃惟賢勞其知者曰可以觀政矣重光之歲

月移且相武彙有緘嘉禾告瑞公始從容晨暮校理舊文考厥
異同編諸章冊且夫歐趙之書徒訂其條口洪都之著弟詳其
年代公証古之學奄有征南博問之才通知荀勗此之造述力
越前修談經則馬鄭之微辨字則楊杜之正論史則知幾之遂
察地則道元之神笈及九章淵通內典承天譜系之學神珙字
母之傳固已奪安石之碎金驚君苗以焚硯君子多乎于公末
也公既理其打本藏諸名山刊其嘉言詒之來學謬承校錄略
悉源流若公惠政之列

國勲之章方與往刻共不朽焉非所及也後學孫星衍撰